



UKA 2021/83

17. august 2021

UPA 2022/83

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiupparat:

**Ilulissat kangerluata UNESCO-miittortaata angissaasaata pitsaaqtai ajoqtaalu pillugit Naalakkersuisut UKA2022-mut saqqummiussassamik nassuaasioqqullugit peqquneqarnissaanut Inatsisartut aalajangiiffigisassaattut siunnersuut.**

(Inatsisartunut ilaasortaq Aqqalu C. Jerimiassen, Atassut)

### **Tunngavilersuut**

Ilulissat kangerluat, ila pinngortitaq angingaartorsuaq, kusanangaartoq, sanaartorfissagissoq allanullu periarfissarpassualik. ATTOQUSAANNGITSORLI!

Ilulissat illoqarfia toqqavissaaruppoq, sanaartorniarneq kipiluttunarpoq, ineriaroqqiffissaangaluuaq kalluarneqaqqavoq. Kingittoq manimajaanginnaq sumilluunniit sanaartorfigequsaanngilaq bufferzonemik taaneqartartumiimmatt.

Ilulissani UNESCO-qarfik angivallaarpoq, Ila angivallaarujuussuarpoq, tunngaviusumik iluliarsuit, Sermermiut, nakkaalatsitsivik, inuiassuit sermerlu aakkartartoq UNESCO-tut nalunaarsorneqaannartussaangaluarput, kangerluk tamarsuaanngitsoq.

Inatsisiliarpassuillu inuussutissarsiornikkut kalluaasut ineriertortitseqqinnissaangaluamut sakkukillineqartariaqalerput, assersuutit ukiuunernani; UNESCO-qarfiup iluani ingerlaassangaanni qamuteqaralannik aput 10cm-itut issuasuseqartariaqarpoq. Ila kiap tamakku uuttortartarniarameg? Tulluarpat nunatsinnut?

Ilulissat avannamut alliartortinniarneqarnera isuma ajunngilluinnaraluartoq, taamaattoq suli kangimut annertungaartumik illoqarfik aggulooqqaanngikkaliarlugu alliartorfissaqarluarpoq. Unnusarfiiut nunarsuarmi isikkivinnerpaapajaartut pilersinneqarsinnaapput, qimussertartut aallartarfingissaarnerulersinnaapput sorpassuillu inuussutissarsiutit ila inerisarneqarsinnaalluarpit.

Misilitakkat malillugit, takornarialerisutut ingerlatseqataagallarninni takornariat aperisarneranni paasiniamisaarsimavarput qanoq annertutigisut UNESCO-qarnera pillugu takkuttarnersut.



Tamarmillu taanna pillugu takkuttuunngillat, ilaasa tusalaaginnarsimasarpaat ilaasalu nalulluinnartarluguluunniit.

Taamaammat maanna piffissaq taamaatsillugu pisariaqarpoq nalimmassaqqittariaqalernerput, Iluliarmiut tusarniarneqartariaqalerput qanoq Sermermiut kangimullu kangerluk qanoq isumaqarfigineraat, taakkuusariaqarpullu aaliagiisuuusariaqalersut. UNESCO-qalertussanngormat neriorsuutaanikuovoq inuussutissarsiornikkut kalluaasuussanngitsoq, oqaaserlu ulloq manna tikillugu asuli kusassaataannaasoq taaneqakannersinnaavoq tassalimi ineriertortitsiniaraluarnermi suna tamarmi killeqaruttoramat.

Taamaattumik Ilulissap Kangerluata UNESCO-miittortaata angissusaa pillugu pitsaqutaasut ajoqutaasullu nalunaarusiareqqullugit Naalakkersuisut peqquneqarnissaannik kissaateqarluta siunnersuusiorpugut.

**Aningaasatigut ingerlatsinikkullu pisortanut kingunerisassai:**

Naatsorsutigineqassaaq AC-fuldmægtigep ukiup ataatsip sulinerata nalinganik 500.000kr-nik annertussusilimmik allaffissornikkut aningaasartuutasussatut.

**Namminersortunut aningaasarsiornikkut allaffissornikkullu kingunerisassai:**

Soqanngilaq.

**Innuttaasunut aningaasarsiornikkut allaffissornikkullu kingunerisassai:**

Soqanngilaq.